
FUNDARGERÐ

Fundur: Raforkuhópur 2012-04
Fundartími: Föstudagur 15. júní 2012 kl. 10:30
Fundarstaður: Orkustofnun, Grensásvegi 9
Fundarefni: 1) Fundargerð síðasta fundar.
2) Raforkunotkun á fyrstu þremur mánuðum ársins.
3) Almennar forsendur.
4) Niðurstöður endurreiknings raforkuspár.
5) Önnur mál.

Á fundinn mættu:

Raforkuhópurinn: Erla Björk Þorgeirsdóttir
Rúnar Svavar Svavarsson
Sigurður Ágústsson
Ásgeir Sigtryggsson
Sæmundur Valdimarsson
Pétur E. Þórðarson
EFLA: Jón Vilhjálmsson
Ingvar Baldursson
Fjarverandi: Baldur Dýrfjörð

- 1) Engar athugasemdir við fundargerð síðasta fundar.
- 2) Farið var yfir raforkunotkun á fyrsta ársfjórðungi. Raforkuvinnslan hefur aukist um 2,9% frá sama tíma árið 2011 en flutningstöp hafa aukist um 3,5%. Stórnotkun hefur aukist um 2,1% en almenn notkun hefur aukist um 5,3%. Ótryggð orka hefur aukist um 26,3% á þessu tímabili en forgangsorkan hefur aukist um 2,1%. Nokkur munur er á hitafari þessa mánuði milli ára og er árið 2012 hlýrra en 2011 en þar að auki var hlaupár í ár sem kallar á aukna notkun sem einnig er leiðrétt fyrir. Forgangsorka eykst eftir leiðréttingu um 1,8%.
- 3) Rætt var um almennar forsendur raforkuspár. IB fór yfir minnisblað um nýjar tölur varðandi almennu forsendurnar. Hagstofa Íslands hefur endurreiknað fólksfjöldaspá og eru litlar breytingar frá síðustu spá. Spá um hagvöxt hefur verið uppfærð út frá nýjum þjóðhagsáætlunum. Húsrými hefur verið uppfært. Tölur um fiskafla hafa verið uppfærðar út frá nýrri veiðiráðgjöf Hafrannsóknastofnunarinnar. Umræða varð um loðnuafla og

ákveðið að miða við svipaðan afla á næstu árum og í ár þó svo að veiðiráðgjöf loðnu fyrir næsta ár liggi ekki fyrir. Stefnt er að því að gefa út almennu forsendurnar í ár.

- 4) IB fór yfir ýmsar tölur í raforkuspá. Notkun raforku á heimili hefur farið minnkandi frá 2009 og er komin í tæplega 4,75 MWh/heimili. PEP benti á að á Austurlandi yrði væntanlega hætt að mestu að nota olíu í fiskimjölsverksmiðjum á næstu tveimur árum (Neskaupstaður, Eskifjörður, Fáskrúðsfjörður). Um væri að ræða 50-60 MW aukningu í álagi á svæðinu. Hann benti einnig á nýja verksmiðju til endurnýtingar á skautgöflum í álverum sem væri verið að byggja á Grundartanga og ætti að nota 25 MW sem kæmu frá dreifikerfi Rarik. Verksmiðjan á að vera tilbúin í janúar 2013. Ákveðið var að taka tillit til þess í ár að Becromal keyrir einungis á hálfum afköstum.

Farið var yfir uppkast að skýrslu um endurreiknaða spá. Ákveðið var að vera einungis með stutta almenna umræðu um stóriðju. Sleppt verður að nefna hagvöxt í okkar líkani þar sem um er að ræða ónákvæma útreikninga einungis til sjá að okkar reikningar gefi svipað og hagvaxtaspár.

- 5) JV sagðist vera að fylla inn í töflurnar fyrir NREAP út frá orkuspánum. Erfitt væri að meta áhrif aðgerða stjórnvalda enda þær mjög almennar. Landsvirkjun ætlar að taka saman áætlun um græn skírteini. Stefnt er að því að fjalla frekar um þau á fundi í september.
- 6) Engin önnur mál.

Fleira ekki gert. Fundi slitið kl 12:00. Næsti fundur ákveðinn fimmtudaginn 13.september 2012 kl. 10:30.

Jón Vilhjálmsson

Dreift var fyrir fundinn:

Dreift var á fundinum:

Sýnt var en ekki dreift:

- Raforkunotkun á fyrstu þremur mánuðum ársins.
- Minnisblað um breytingar á raforkuspá.
- Fyrstu drög að skýrslu um endurreikning raforkuspár.

Verkefni:

Umsjón	Verkefni